



Jelscha Planta ed Aita Puorger avevan procurà per la decoraziun davant ed en il foyer dal Tircal.



Victoria Maria Haas da Domat ha moderà ils 28avels Dis da litteratura.



La halla Tircal era bain occupada gia sonda la damaun.



Il duo Schön & Gut, Anna Katharina Rickert e Ralf Schlatter, han divertì venderdi saira il public.



Il Tavulin litterar cun Esther Krättli, Martin Camenisch e Clà Riatsch.



Il comite d'organizaziun (da san.) Sereina Nay, Nadina Derungs, Natalia Tuor, Corina Schmed e Sara F. Hermann cun ses vesti cun lingias. FOTOS F. ANDRY

## Lingias bain occupadas a Domat

■ (anr/fa) «Tranter las lingias» è stà il motto dals 28avels Dis da litteratura a Domat. Las lingias da sutgas en la halla Tircal eran bain occupadas gia venderdi saira en occasiun da l'avertura dals dis. Per la 28avla giada èn vegnids realisads sut il patronadi da l'Unìun per la Litteratura Rumantscha (URL) e cun il sustegn da la Vischnanca Burgaisa da Domat la fin d'emna passada ils Dis da litteratura. Quel èn vegnids organisads dal comite cun las commembras Nadina Derungs, Sara F. Hermann, Sereina Nay, Corina Schmed e Natalia Tuor. Viola Pfeiffer, la presidenta da l'URL, ha salidà venderdi saira il numerus public menziunond differentas lingias ch'i dat: «Lingias da politica, lingias da tram, lingias grassas e bler auter pli», ha ella ditg, «i dat dentant era ils spazis vids tranter las lingias da texts litterars. Durant questa fin d'emna vulain nus emplenir spazis vids.» Quai han ins fatg cun discussiuns litteraras, cun preleger texts, p.ex. quels



Viola Pfeiffer, la presidenta da l'Unìun per la Litteratura Rumantscha, ha salidà venderdi saira il numerus preschents en la Halla Tircal.

dal Premi Term Bel, e cun vernissaschas ventganov da settember» da Benedetto Vigne.

## Da meds e messadis en la Litteratura 37

■ (anr/fa) È il med il messadi, e mida l'isegl il stil dal messadi? Divers texts da la Litteratura 37 preschentada als Dis da litteratura 2018 sa fatschentan cun la dumonda davart l'influenza dals meds sin quai ch'i vegn communitgà. «L'iniziativa No Billag e la crisa da La Quotidiana han fatschentà l'onn passà pulitain la Rumantschia ed ans fatschentan per part er vinavant», ha ditg Benedetto Vigne sonda als 28avels Dis da litteratura cun preschentar la revista Litteratura 37 ch'el ha cumpilà ensem cun Silvana Derungs e Flavia Hobi. «Davos noda lajeggia qua però tut in auter problem, cun il qual nus esan confruntads pli e pli: la digitalisaziun.» Che quella n'haja mo influenza sin ils meds da massa, mabain er sin ils auters «meds», ha l'accentuà, «ella invada la lavur,

il traffic, la sanadad, l'art, la politica, il sport – la digitalisaziun, sezza in med, influenzescha la vita en general.» La digitalisaziun influenzescha cun sia spertadada e directezza la maniera da communitgar e da tractar las materias. Reflectond quest fenomen èsi vegni endament a Vigne il slogan dals onns '60, lantschà dal filosof ed autur american Marshall McLuhan: The Medium is the Message – il med è il messadi. «Questa filosofia pretenda che berg ils cuntegns sajan relevants per il svilup da la civilisaziun, mabain il med sez, la scrittira, il cudesch, il radio, la televisiun.» Vigne vaiva perquai proponi quest slogan sco titel da la Litteratura 37. Cunredactura Silvana Derungs ha alura fatg la proposta da sa focussar sin in tema pli concret, sin il med central da la litteratura, il scriver

ubain il raquintar. Uschia è naschi il titel da la revista da quest onn: «Meds e messadis». Bundant ina dunsaina d'auturas ed auturs s'han occupads cun quel tema. Qua duessan esser menziunads mo dus dals texts: «Müda l'üsaglia tieu stil?» è il titel da la contribuziun da Göri Klainguti ed Iso Camartin propona da «Tgìrar il medium, enstagl d'emplenir ruosnas cun plaid». La revista cuntegna era ina seria da texts generals, quatter texts victurs da la «Plema d'aur» e trais exempels dal Linguissimo, la concorrenza da scriver interlinguala svizra. Suenter ina curta regurdientscha al defunct Jon Nuotclà (1934-2017) suondan anc diversas recensius da cudeschs rumantschs cumparids l'onn passà. Las illustraziuns da la Litteratura 37 ha fatg l'artist Donat Caduff.



Flavia Hobi, Hermina Sgier e Benedetto Vigne han preschentà la Litteratura 37.